




古今詩刪卷之十三



濟南李攀龍

吳興徐中行

門人新都汪時元校刻



唐七言古詩

高適

行路難二首

長安少年不少錢。能騎駿馬鳴金鞭。五侯相逢大道邊。美人絃管爭留連。黃金如斗不敢惜。片

言如山莫棄捐。安知憔悴讀書者。暮宿靈臺私自憐。

其二

君不見富家翁。舊時貧賤誰比數。一朝金多結豪貴。百事勝人健如虎。子孫成行滿眼前。妻能管絃妾能舞。自矜一身忽如此。却咲傍人獨愁苦。東陵少年安所如。席門窮巷出無車。有才不肯學干謁。何用年年空讀書。

邯鄲少年行

邯鄲城南遊俠子。自矜生長邯鄲裏。千場縱博家仍富。幾處報讐身不死。宅中歌咲日紛紛。門外車馬如雲屯。未知肝膽向誰是。令人却憶平原君。君不見今日交態薄。黃金用盡還踈索。以茲感嘆辭舊遊。更於時事無所求。且與少年飲美酒。往來射獵西山頭。

燕歌行

漢家烟塵在東北。漢將辭家破殘賊。男兒本自重橫行。天子非常賜顏色。攢金伐鼓下榆關。旌

下今言册 卷三  
旆逶迤碣石間。校尉羽書飛瀚海。單于獵火照  
狼山。山川瀟條極邊土。胡騎憑陵雜風雨。戰士  
軍前半死生。美人帳下猶歌舞。大漠窮秋塞草  
肥。孤城落日鬪兵稀。身當恩遇常輕敵。力盡關  
山未解圍。鐵衣遠戍辛勤久。玉筯應啼別離後。  
少婦城南欲斷腸。征人薊北空回首。邊庭颼颼  
那可度。絕域蒼茫無所有。殺氣三時作陣雲。寒  
聲一夜傳刁斗。相看白刃雪紛紛。死節從來豈  
顧勲。君不見沙場征戰苦。至今猶憶李將軍。

人日寄杜二拾遺

人日題詩竒草堂。遙憐故人思故鄉。柳條弄色  
不忍見。梅花滿枝空斷腸。身在南蕃無所預。心  
懷百憂復千慮。今年人日空相憶。明年人日知  
何處。一卧東山三十春。豈知書劍老風塵。龍鍾  
還忝二千石。愧爾東西南北人。

漁父歌

曲岸深潭一山叟。駐眼看鉤不移手。世人欲得  
知姓名。良久問他不開口。笋皮笠子荷葉衣。心

無所營守釣磯料得孤舟無定止日暮持竿何處歸

。九月九日酬顏少府

簷前白日應可惜籬上黃花爲誰有行子迎霜未授衣主人得錢始沽酒蘇秦憔悴人多厭蔡澤棲遲世看醜縱使登高只斷腸不如獨坐空搔首。

送田少府貶蒼梧

沉吟對遷客惆悵西南天昔爲一官未得意今向萬里令人憐念茲斗酒成睽間停舟嘆君日將晏遠樹應連北地春行人却羨南歸鴈丈夫窮達未可知看君不合長數竒江山到處堪乘興楊柳青青那足悲

賦得還山吟送沈四山人

還山吟天高日暮寒山深送君還山識君心人生老大須恣意看君解作一生事山間偃仰無不至石泉淙淙若風雨桂花松子常滿地賣藥囊中應有錢還山服藥又長年白雲勸盡杯中

物明月相隨何處眠眠時憶問醒時事夢魂可  
以相周旋

送蔡山人

東山布衣明古今自言獨未逢知音識者閱見  
一生事到處豁然千里心看書學劍長辛苦近  
日方思謁明主斗酒相留醉復醒悲歌數年淚  
如雨丈夫遭遇不可知買臣主父皆如斯我今  
蹭蹬無所似看爾崩騰何苦爲

寄宿田家

田家老翁住東陂說道平生隱在茲髮白未曾  
記日月山青每到識春時門前種柳深成巷墅  
谷流泉添入池牛莊日耕十畝地人閑常掃一  
茆茨客來滿酌清樽酒感興平吟才子詩巖際  
窟中栽麝鼠潭邊竹裏隱鷓鴣村墟日落行人  
少醉後無心怯路岐今夜只應還寄宿明朝拂  
曙與君辭

封丘縣

我本漁樵孟諸野一生自是悠悠者乍可狂歌

草澤中寧堪作吏風塵下祇言小邑無所爲公  
門百事皆有期拜迎官長心欲碎鞭撻黎庶令  
人悲悲來向家問妻子舉家盡笑今如此生事  
應須南畝田世情付與東流水夢想舊山安在  
哉爲衙君命日遲迴乃知梅福徒爲爾轉憶陶  
潛歸去來

岑參

登古鄴城

下馬登鄴城城空復何見東風吹野火暮入飛

雲殿城隅南對望陵臺漳水東流不復回武帝  
宮中人去盡年年春色爲誰來

常員外家花樹歌

今年花似去年好去年人到今年老始知人老  
不如花可惜落花君莫掃君家兄弟不可當列  
卿御史尚書郎朝回花底恒會客花撲玉缸春  
酒香

秦箏歌送外甥蕭正歸京

汝不聞秦箏聲最苦五色纏絃十三柱怨調慢

古今詩  
卷十三  
聲如欲語一曲未終日移午紅亭水木不知暑  
忽彈黃鍾和白紵清風颯來雲不去聞之酒醒  
淚如雨汝歸秦兮彈秦聲秦聲悲兮聊送汝

胡笳歌送顏真卿使赴河隴

君不聞胡笳聲最悲紫髯綠眼胡人吹吹之一  
曲猶未了愁殺樓蘭征戍兒涼秋八月蕭關道  
北風吹斷天山草崑崙山南月欲斜胡人向月  
吹胡笳胡笳怨兮將送君秦山遙望隴山雲邊  
城夜夜多愁夢向月胡笳誰喜聞

太白胡僧歌

聞有胡僧在太白蘭若去天三百尺一持楞伽  
入中峯世人難見但聞鍾窻邊錫杖解兩虎床  
下鉢盂藏一龍草衣不針復不線兩耳垂肩眉  
覆面此僧年幾那得知手種青松今十圍心將  
流水同清淨身與浮雲無是非商山老人已曾  
識願一見之何由得山中有僧人不識城裏看  
山空黛色

李頎



崔五六圖屏風各賦一物得烏孫佩刀  
烏孫腰間佩兩刀，刃可吹毛錦爲帶。握中枕宿  
穹廬室，馬上割飛翳。蟪塞執之魍魎，誰能前氣  
凜清風。沙漠邊磨用陰山，一片玉洗將胡地。獨  
流泉主人屏風，馬竒狀鐵銷金環儼相向。回頭  
瞪目時一看，使予心在江湖上。

別劉錕

梁生倜儻心不羈，途窮氣蓋長安兒。回頭轉盼  
俱鵬鷲，有志飛鳴人豈知。雖云四十無祿位，曾

與大軍掌書記，抗辭請刃誅部曲。作色論兵犯  
二師，一言不合龍額侯。擊劒拂衣從此棄，朝朝  
飲酒黃公壚。脫帽露頂爭叫呼，庭中犢鼻昔常  
挂。懷裏琅玕今在無，時人見子多落魄。共咲狂  
歌非遠圖，忽然遣躍紫騮馬。還是昂藏一丈夫，  
洛陽城頭曉霜白。層冰峨峨滿川澤，但聞行路  
吟新詩。不嘆舉家無儋石，莫言貧賤長可欺。覆  
篑成山當有時，莫言富貴長可託。木槿朝看暮  
還落，不見古時塞上翁。倚伏由來任天作，去去

滄波勿復陳五湖三江愁殺人

王維

洛陽女兒行

洛陽女兒對門居。纔可顏容十五餘。良人玉勒乘驄馬。侍女金盤膾鯉魚。畫角朱樓盡相望。紅  
栳綠柳垂簷向。羅帷送上七香車。寶扇迎歸九  
華帳。狂夫富貴在青春。意氣驕奢劇季倫。自憐  
碧玉親教舞。不惜珊瑚持與人。春窗曙滅九微  
火。九微片片飛花璫。戲罷曾無理曲時。粧成祇  
是薰香坐。城中相識盡繁華。日夜經過趙李家。  
將憐越女顏如玉。貧賤江頭自浣紗。

答張五弟

終南有茅屋。前對終南山。終年無客長閉關。終  
日無心長自閑。不妨飲酒復垂釣。君但能來相  
往還。

寄崇梵僧

崇梵僧。崇梵僧。秋歸覆釜春不還。落花啼鳥紛  
紛亂。澗戶山窻寂寂閑。峽裏誰知有人事。郡中

古今詩集 卷三 九  
遙望空雲山

崔灝

孟門行

黃雀啣黃花。翩翩傍簷隙。本擬報君恩。如何反  
彈射金壘。美酒滿座春。平原愛才多。衆賓滿堂  
盡。是忠義士。何意得有讒諛人。諛言反覆那可  
道。能令君心不自保。北園新栽桃李枝。根株未  
固。何轉移。成陰結實君自取。若問傍人那得知。  
代閨人答輕薄少年

妾家近隔鳳凰池。粉壁紗窻楊柳垂。本期漢代  
金吾壻。誤嫁長安遊俠兒。兒家夫壻多輕薄。借  
客探丸重然諾。平明挾彈入新豐。日晚揮鞭出  
長樂。青絲白馬冶遊園。能使行人駐馬看。自矜  
陌上繁華盛。不念閨中花鳥闌。花間陌上春將  
晚。走馬闔雞猶未返。三時出望無消息。一去那  
知行近遠。桃李花開覆井欄。朱樓落日捲簾看。  
愁來欲奏相思曲。抱得秦箏不忍彈。

行路難

君不見建章宮裏金明枝萬萬長條拂地垂二月三月花如霰九重深幽君不見艷彩朝含四寶宮香風吹入朝雲殿漢家宮女春未闌愛此芳草朝暮看來看去看心不忘攀折將安鏡臺上雙雙素手剪不成兩兩紅粧咲相向建章昨夜起春風一花飛入長信宮長信麗人見花泣憶此玳樹何嗟及我昔初在昭陽時朝攀暮折登玉墀只言歲歲長相對不悟今朝遙相思

孟浩然

送王七尉松滋

君不見巫山神女作行雲霏紅沓翠曉氛氲嬋娟流入襄王夢倏忽還隨零雨分空中飛去復飛來朝朝暮暮下陽臺愁君此去爲仙尉便逐行雲去不回

丁仙芝

餘杭醉歌贈吳山人

曉幙紅襟鷺春城白項烏只來梁上語不向府中趨城頭坎坎鼓聲曙滿庭新種櫻桃樹桃花

昨夜撩亂開。當軒發色映樓臺。十千允得餘杭酒。二月春城長命杯。酒後留君待明月。還將明月送君回。

劉復

長歌行

淮南木落秋雲飛。楚宮商歌今正悲。青春白日不與我。當壚舉酒勸君持。出門驅驅四方事。徒用辛勤不得意。三山海底無見期。百齡世間莫虛棄。君不見金城帝業漢家有。東制諸侯欲長久。姦雄竊命風塵昏。函谷重關不能守。龍蛇出沒經兩朝。胡虜憑陵大道銷。河水東流宮闕盡。五陵松柏自蕭蕭。

儲光羲

登戲馬臺作

君不見宋公杖鉞誅燕后。英雄踴躍爭趨走。小會衣冠。呂梁壑大徵甲卒。礪礪口。天門神武樹元勳。九日茱萸饗六軍。泛泛樓船遊極浦。搖搖歌吹動浮雲。居人滿目市朝變。霸業猶存齊楚。

甸泗水南流，桐栢川沂山北走。瑯琊縣滄海沉，  
沉晨霧開彭城烈烈。秋風來，少年自言未得意。  
日暮蕭條登古臺。

張謂

。贈喬木

去年上策不見收，今年寄食仍淹留。羨君有酒  
能便醉，羨君無錢能不憂。如今五侯不待客，羨  
君不入五侯宅。如今七貴方自尊，羨君不過七  
貴門。丈夫會應有知己，世上悠悠安足論。

。湖中對酒作

夜坐不厭湖上月，晝行不厭湖上山。眼前一樽  
又長滿，心中萬事如等閒。主人有黍萬餘石，濁  
醪數斗應不惜。即今相對不盡歡，別後相思復  
何益。茱萸灣頭歸路賒，願君且宿黃公家。風光  
若此人不醉，參差辜負東園花。

王昌齡

城傍曲

秋風鳴桑條，草白狐兔驕。邯鄲飲來酒未消，城

北原平擊皂鵬射殺空營。兩騰虎迴身却月佩。  
弓鞞

烏栖曲

白馬逐牛車。黃昏入狹斜。狹斜柳樹烏爭宿。爭  
枝未得飛上屋。東房少婦墻。從軍每聽烏啼知。  
夜分。

崔國輔

對酒吟

行行日將夕。荒村古塚無人跡。蒙籠荆棘一鳥

鳴。屢唱提壺沽酒喫。古人不達酒不足。遺恨精  
靈傳此曲。寄言世上諸少年。平生且盡杯中醪。  
賈至

巴陵寄李二戶部張四禮部

江南芳草初。暮暮愁殺江南獨。愁客秦中楊柳  
也。應春轉憶秦中相。憶人萬里鶯花不相見。登  
高一望淚沾巾。

王季友

觀于舍人壁畫山水

野人宿在山家少朝見此山謂山曉半壁仍栖  
嶺上雲開簾欲放湖中鳥獨坐長松是阿誰再  
三招手起來遲于公大笑向余說小弟卅青能  
爾爲

常建

古興

轆轤井上雙梧桐飛鳥銜花日將夕深閨女兒  
莫愁年玉指冷冷怨金碧石榴裙裾蛺蝶飛見  
人不語顰蛾眉青絲素絲紅綠絲織成錦衾當

爲誰

元結

宿洄溪翁宅

長松萬株繞茆舍怪石寒泉近簷下老翁八十  
猶能行將領兒孫行時稼吾羨老翁居處幽吾  
愛老翁無所求時俗是非何足道得似老翁吾  
即休

薛業

洪州客舍寄柳博士芳



去年燕巢主人屋今年花發路傍枝年年爲客不到舍舊國存亡那得知胡塵一起亂天下何處春風無別離

鮑防

雜感

漢家海內承平久萬國戎王皆稽首天馬常嘶首藉花胡人歲獻蒲萄酒五月荔枝初破顏朝辭象郡夕臣關馬飛不度桂陽嶺馬走先過林邑山耳泉御果垂仙閣日暮無風香自落遠物皆重近皆輕雞雖有德不如鶴

劉長卿

新安送陸澧歸江陰

新安路人來去早潮復晚潮明日知何處潮水無情亦解歸自憐長在新安住

長沙贈衡岳祝融峯般若禪師

般若公般若公負鉢何時下祝融歸路却看飛鳥外禪房空掩白雲中桂花寥寥閑自落流水無心西復東

入桂渚次砂牛石穴

扁舟傍歸路。日暮瀟湘深。湘水清見底。楚雲淡無心。片帆落桂渚。獨夜依楓林。楓林月出。猿聲苦。桂渚天寒。桂花吐。此中無處不堪愁。江客相看淚如雨。

聽笛歌留別鄭協律

舊遊憐我長沙謫。載酒沙頭送遷客。天涯望月自沾衣。江上何人復吹笛。橫笛能令孤客愁。綠波淡淡如不流。商聲寥亮羽聲苦。江天寂歷江楓秋。靜聽關山一叫。三湘月色悲猿嘯。又吹楊柳激繁音。千里春色傷人心。隨風飄向何處落。唯見曲盡平湖深。明發與君離別後。馬上一聲堪白首。

錢起

賦得青城山歌送楊杜二郎中赴蜀軍

蜀山西南千萬重。仙經最說青城峯。青城嶽峯倚空碧。遠壓峨眉吞劍壁。錦屏雲起易成霞。玉洞花明不知夕。星臺二妙逐王師。阮瑀軍書王

桑詩日落猿聲連玉笛晴來山翠傍旌旗綠蘿  
春月營門近知君對酒遙相思

郎士元

郢州西樓吟

連山盡處水縈迴山上城門臨水開朱闌直下  
一百丈日暖遊鱗自相向昔人愛險閉層城今  
人愛閑江復清沙洲楓岸無來客草綠花紅山  
鳥鳴

戎昱

聽杜山人彈胡琴

綠琴胡笳誰妙彈山人杜陵董庭蘭董君少與  
山人友山人別來今已久當時海內求知音曠  
付胡琴在君手杜陵工琴四十年琴聲在音不  
在絃座中爲我奏此曲蒲堂簫瑟如窮邊第一  
第二拍淚盡蛾眉落番客更聞出塞入塞聲窮  
廬。羶帳難爲情胡天雨雪四時下五月不曾芳  
草生。須臾促軫變宮徵一聲悲兮一聲喜南看  
漢月雙眼明却顧胡兒寸心死回紇數年收洛

陽洛陽士女皆驅將豈無父母與兄弟聞此哀  
情皆斷腸杜陵先生證此道沈家祝家皆絕倒  
如今世上風雅衰若箇深知此聲好世上愛箏  
不愛琴則明此調難知音今朝促軫爲君奏不  
向俗流傳此心

李益

野田行

日沒出古城野田何茫茫寒狐嘯青塚鬼火燒  
白楊昔人未爲泉下客行到此中曾斷腸

韓愈

越裳操

雨之施物以孳我何意於彼爲自周之先其艱  
其勤以有疆宇私我後人我祖在上四方在下  
厥臨孔威敢戲以侮孰荒于門孰洽于田四海  
旣均越裳是臣

履霜操

父兮兒寒母兮兒飢兒罪當答逐兒何爲兒在  
中野以宿以處四無人聲誰與兒語兒寒何衣

見飢何食兒行于野履霜以足母生衆兒有母  
憐之獨無母憐兒寧不悲

汴州亂二首

汴州城門朝不開天狗墜地聲如雷健兒爭誘  
殺留後連屋累棟燒成灰諸侯只尺不敢救孤  
士何者自興哀

其二

母從子走者爲誰大丈夫人留後兒昨日乘車  
騎大馬坐者起趨乘者下廟堂不肯用干戈鳴

呼奈汝母子何

白居易

醉題沈子明壁

不愛君家十叢菊不愛君家萬竿竹愛君簾下  
唱歌人色如芙蓉聲如玉我有陽關君未聞若  
聞亦應愁殺君

張若虛

春江花月夜

春江潮水連海平海上明月共潮生  
滌滌隨波

千萬里何處春江無月明江流宛轉遶芳甸月  
照花林皆似霰空裏流霜不覺飛汀上白沙看  
不見江天一色無纖塵皎皎空中孤月輪江畔  
何人初見月江月何年初照人人生代代無窮  
已江月年年望相似不知江月照何人但見長  
江送流水白雲一片去悠悠青楓浦上不勝愁  
誰家今夜扁舟子何處相思明月樓可憐樓上  
月徘徊應照離人妝鏡臺玉戶簾中卷不去擣  
衣砧上拂還來此時相望不相聞願逐月華流  
照君鴻鴈長飛光不度魚龍潛躍水成文昨夜  
閑潭夢落花可憐春半不還家江水流春去欲  
盡江潭落月復西斜斜月沉沉藏海霧碣石瀟  
湘無限路不知乘月幾人歸落月搖情滿江樹

張鼎

鄴城引

君不見漢家失統三靈變魏武爭雄六龍戰盪  
海吞江制中國迴天運斗應南面隱隱都城紫  
陌開迢迢分野黃星見流年不駐漳河水明月

俄終鄴國宴文章猶入管絃新帷座空銷狐兔  
塵可惜望陵歌舞處松風四面笑愁人  
莫  
衛萬

。吳宮怨

君不見吳王宮閣臨江起不捲珠簾見江水曉  
氣晴來雙闕間潮聲夜落千門裏勾踐城中非  
舊春姑蘇臺下起黃塵祗今惟有西江月曾照  
吳王宮裏人

韋元甫

疑誤名

木蘭歌

唧唧復唧唧木蘭當戶織不聞機杼聲唯聞女  
歎息問女何所思問女何所憶女亦無所思女  
亦無所憶昨夜見軍帖可汗大點兵軍書十二  
卷卷卷有爺名阿爺無大兒木蘭無長兄愿爲  
市鞍馬從此替爺征東市買駿馬西市買鞍韉  
南市買轡頭北市買長鞭旦辭爺娘去暮宿黃  
河邊不聞爺娘喚女聲但聞黃河流流水鳴濺濺  
旦辭黃河去暮至黑山頭不聞爺娘喚女聲但

聞燕山胡騎嗚啾啾。萬里赴戎機。關山度若飛。  
朔氣傳金柝。寒光照鐵衣。將軍百戰死。壯士十  
年歸。歸來見天子。天子坐明堂。策勲十二轉。賞  
賜百千強。可汗問所欲。木蘭不用尚書郎。願馳  
千里足。送兒還故鄉。爺娘聞女來。出郭相扶將。  
阿妹聞姊來。當戶理紅粧。小弟聞姊來。磨刀霍  
霍向豬羊。開我東閣門。坐我西閣床。脫我戰時  
袍。着我舊時裳。當窻理雲髮。挂鏡貼花黃。出門  
看火伴。火伴始驚惶。同行十二年。不知木蘭是  
女郎。雄兔脚撲朔。雌兔眼迷離。雙兔傍地走。安  
能辨我是雄雌。

李冶

賦得三峽流泉歌

妾家本在巫山雲。巫山流泉常自聞。玉琴奏出  
轉寥曩。宜似當時夢中聽。巫峽迢迢幾千里。一  
時流入幽闌裏。巨石崩崖指下生。飛波走浪絃  
中起。初疑噴怒含雷風。又似嗚咽流不通。回湍  
曲瀨勢將盡。時復滴瀝平沙中。憶昔阮公爲此



古今詩冊  
卷十三  
五十一  
曲能令仲容聽不足一彈既罷還一彈願比流  
泉鎮相續

古今詩冊卷之十三

